



UNIVERSITÄTS-  
BIBLIOTHEK  
PADERBORN

**SANCTI|| IOANNIS|| DAMASCENI OPERA,||**

**Johannes <Damascenus>**

**Parisiis, 1577**

De pudore malo. cap. xli.

---

[urn:nbn:de:hbz:466:1-71880](https://nbn-resolving.org/urn:nbn:de:hbz:466:1-71880)



A stodi virum istum, qui si lapsus fuerit, erit anima tua pro anima eius, aut talentum argenti appendes. Et ait rex Israël ad eum: Hoc est iudicium tuum, quod ipse decreuisti. At ille statim absterfit puluerem de facie sua, & cognouit eum rex Israël, quod esset de Prophetis. Qui ait ad eum: Hęc dicit Dominus, Quia dimisti virum dignum morte de manu tua, erit anima tua pro anima eius, & populus tuus pro populo eius.

Scrutabor Ierusalē in lucernis, & visitabo super viros defixos in facibus suis, *Soph. 1.* qui dicunt in cordibus suis, Nō faciet Dñs bene, & nō faciet malē. Aperite horrea eius: scrutamini eam sicut speluncā, & exterminate eam. Ne sitis ipsi hospitium.

Terra, terra, audi verbum Domini: Scribe virum istum sterilem inter homines. *Hier. 22.*  
 B Non crescat de semine eius vir sedēs super thronum Dauid in Iuda.

*Cum nobis res est cum ijs, qui infestum aduersus veritatem odium gerunt, ac mandatis Basl. Dei aduersantur, tum necesse est obsequi huic praecepto Dei: Si oculus tuus dexter scandalizet te, erue eum, & projice abs te. Nam alioqui benignitas ea, quam huiusmodi hominibus adhibueris, stulta & illi clementia non dissimilis fuerit, qua Saul, contra quam ei à Domino imperatum fuerat, erga Agag usus est.*

DE ANGARIA.

CAP. XXXIX.

**C** M BECILLES impiorū vineas sine cibo & mercede coluerūt. *Job. 24.*  
 Si quis te angariauerit mille passus, vade cum eo alia mille. *Mat. 5.*  
 Væ qui ædificat domū suam in iniustitia, & cœnacula sua *Hier. 22.*  
 non in iudicio: amicum suum opprimet frustra, & mercedem eius non reddet ei.  
 Ecce merces operariorum vestrorum, qui messuerunt regiones vestras, quæ fraudata est à vobis, clamat: & clamor eorum intrauit in aures Domini exercituum. *Iac. 5.*

DE PVDORE BONO.

CAP. XL.

**D** E M & Iapheth pallium imposuerunt humeris suis, & incedentes retrorsum, operuerunt verenda patris sui, faciēsque eorum auersæ erant, & patris virilia non viderunt. *Gen. 9.*  
 Est confusio adducens peccatum: & est confusio adducens gloriam & gratiam. Ante grandinem exhibit coruscatio: & ante pudibundum exhibit gratia. Erubescite à patre & matre *Eccli. 4. 32. 41.*  
 de fornicatione, & à presidente & à potēte de mendacio: à principe & à iudice de delicto: à synagoga & plebe de iniquitate: à socio & amico de iniustitia, & de loco in quo habitas: de furto, de veritate Dei, & testamento: de discubitu in panibus, & ab obfuscatione dati & accepti: à salutantibus, de silentio: à respectu mulieris fornicariæ: & ab auersione vultus cognati. Ne respicias mulierem alieni viri, & ne scruteris ancillam eius, neque steteris ad lectum eius. Caue ab amicis de sermonibus improprij, & reuelatione verbi absconditi. Et eris pudibundus vt verax: & inuenies gratiam coram omni homine.

DE PVDORE MALO.

CAP. XLI.

**R** O anima tua ne confundaris. Est enim confusio adducens peccatū, *Eccli. 4.* & est confusio adducens gloriam & gratiam. Et ne accipias personā aduersus animam tuam: & ne reuerearis in ruinam tuam. Est qui propter pudorem promittit amico suo: & acquisiuit eum inimicū. *25.*  
 Ira & impudentia & infamia magna est, si mulier primatū teneat in virum suum.



42. Ne pro his omnibus confundaris: & ne accipias personam ut delinquas. De lege Altissimi, & testamento, & de iudicio iustificare impium, de verbo sociorum & viatorum, & de datione hereditatis amicorum: de æqualitate stateræ & ponderum, & acquisitione multorum & paucorum: de corruptione emptionis & negotiatorum: & de multa disciplina filiorum, & seruo pessimo latus sanguinare. Super mulierem nequam bonum est signum. Vbi manus multæ sunt, claude: & quodcunque trades, numera & appende. Datum verò & acceptum omne describe.

Philo. Pudorem aiunt plerisque minimè profuisse.

DE INIQUIIS PETITIONIBVS: ET QVOD  
eas ad finem perducere non oporteat, etiamsi mater sit quæ eas faciat. G  
CAP. XLII.

3. Reg. 2. **P**OSITVS est thronus matri regis, quæ sedit ad dextram eius. Dixitque ei, Petitionem vnã paruulam ego deprecor à te, ne confundas faciem meam. Et dixit ei rex, Pete mater mea: neque enim fas est, ut auertam faciem tuam. Quæ ait: Detur Abisag Sunamitis Adoniæ fratri tuo vxor. Responditque rex Salomon, & dixit matri suæ: Quare postulas Abisag Sunamitidem Adoniæ? Postula ei & regnum: ipse est enim frater meus maior me, & habet Abiathar Sacerdotem, & Ioab filium Saruæ. Iurauit itaque rex Salomō per Dominum, dicens: Hæc faciat mihi Deus, & hæc addat, quia contra animam suam locutus est Adonias verbum hoc. Et nunc viuit Dominus, qui firmavit me, & collocauit me super solium Dauid patris mei, & qui fecit mihi domum, sicut locutus est, quia hodie occidetur Adonias. Misitque rex Salomon per manum Benaia filij Ioiadæ, qui interfecit eum: & mortuus est. H

Mat. 20. Tunc accessit ad eum mater filiorum Zebedæi cum filiis suis, adorans & petens aliquid ab eo. Qui dixit ei: Quid vis? Ait illi: Dic ut sedeant hi duo filij mei, vnus ad dextram tuam, & vnus ad sinistram in regno tuo. Respondens autem Iesus, dixit: Nescitis quid petatis. Potestis bibere calicem, quem ego bibiturus sum? Dicunt ei: Possumus. Ait illis: Calicem quidem meum bibetis: sedere autem ad dextram meam & sinistram, non est meum dare vobis, sed quibus paratum est à patre meo.

DE AVARITIA: ET QVOD SINE VLLA  
satietae plura semper appetimus. I  
CAP. XLIII.

Pro. 27. **I**N FERNVS & perditio nunquam implentur: similiter & oculi hominum sunt infatiabiles.

Eccl. 1. **N**on satiatur oculus visu, nec auris auditu. Propter infatiabilitatem multi perierunt.

Nat. *Inexplebilis corporis cupiditas homines etiam alioqui sapientes mentis errore afficere potest, deteriūque sentire cogit, rationem nimirum, non secus ac petulans quidam equus, secum abripiens.*

Nili. *Humana natura ad plura cupiditatem peruiat excubat. Malus plurimis rebus semper eget, ut qui propter inexplebilem cupiditatem semper omnia sitiāt. Quam quidem ignis ritu exuscitans atque inflammas, ad omnia tam parua quam magna grassatur.*

DE FRATRIBVS. CAP. XLIIII.

Leuit. 19. **N**ON habebis odio fratrem tuum in mente tua.  
Psal. 132. Ecce quàm bonum & quàm iucundum habitare fratres in vnum.  
Pro. 18. Fratres in necessitatibus vtilis sint. Frater qui adiuuatur à fratre, quasi ciuitas firma: & fortis sicut vectes vrbium. Omnis qui pauperem